

開元二十一年頒下其所分別上卷四九
三十六章法春夏秋冬卷五九四十五
章法金木水火土則上卷從一至九章以
無形無名為宗明春道從十至十八章以
無知恍惚為宗明夏道從十九至二十七
章以有情有信為宗明秋道從二十八至
三十六章以凝重清淨為宗明冬道其下
卷自一盡九明仁德次十盡十八明禮德
從十九盡二十七明義德從二十八至三
十六明智德從三十七至盡四十五明信
德也。

唐玄宗御製道德真經疏卷之一

道可道章第一

道可道非常道

疏道以虛通為義常以湛寂得名所謂無
極大道衆生正性也而言可道者即是名
言謂可稱之法也雖復稱可道宜隨機愜
當而有聲有說非真常凝寂之道也常道
者不可以名言辯不可以思慮知妙絕希
夷理窮恍惚故知言象之表方契凝常其
寂之道可道可說者非常道也。

名可名非常名

疏名者教也前言可道感明於理今言可
名次顯於教真理既絕於言象至教亦起
於聲說理既常道不可道教亦可名非常
名欲明理教教理不一不異也然至道深
玄不可涯量非無非有不斷不常而義有
抑揚教存漸頌所以立常以破可故言可
道非常道至論造極處無可無不可故玉
京經云無可無不可思與希微道
無名天地之始

疏始本也虛無至道陶甄萬物二儀三景
何莫由斯故指此無名為物之本無名足
可言說明矣

有名萬物之母

疏母有名迹也重玄之道本自無名從本
降迹稱謂斯起所以聖人因無名立有名
寄有名詮無名也方欲子育衆生令其歸
本慈悲鞠養有同母義

常無欲以觀其妙

疏妙精微也觀照察其己也言人常能無
欲無為至虛至靜者即能近鑒己身之妙
道遠鑒至理之精微也

常有欲以觀其微

疏言人不能無為恬淡觀妙守真妄起貪
求肆情滌滯者適見世境之有未體即有
之空所以不察妙理之精微唯觀死生之
歸趣前明無名有名之優劣此顯有欲無
欲之勝負

此兩者同出而異名

疏夫所觀之境唯一能觀之智有殊二觀

既其不同微妙所以名異

同謂之妙

疏玄者深遠之義亦是不滯之名有無二心原乎一道同出異名異名一道謂之深遠深遠之玄理歸無滯既不滯有又不滯

無二俱不滯故謂之玄

玄之又玄

疏有欲之人唯滯於有無欲之士又滯於無故說一玄以遣雙執又恐行者滯於此玄今說又玄更祛後病既而非但不滯於滯亦乃不滯於不滯此則遣之又遣故曰玄之又玄

衆妙之門

疏門法門也前以一中之玄遣二偏之雙執二偏之病既除一中之藥還遣唯藥與病一時俱消此乃妙極精微窮理盡性豈唯羣聖之尸牖抑亦衆妙之法門

天下皆知章第二

天下皆知美之為美

疏神奇臭腐莊子知北遊篇黃帝謂知曰

萬物一也是其所美者為神奇其所惡者為臭腐

長短之相形

疏鳧脰短鶴脰長者莊子駢拇第八篇文也

是以聖人

疏凡聖人者略言有五第一得道之聖太上老君諸天大聖是也第二有天下之位兼得仙之聖伏羲黃帝顓頊少昊堯舜是也第三有天下之位無得仙之聖殷湯文武是也皆廓清六合不言昇天矣第四博

瞻之聖無天下之位周公孔子制作禮樂垂範百王而無九五之位而皆具天地合德之美也第五有獨長之聖而無博瞻之名亦具上衆美者謂伯牙師文為鼓琴之

聖子卿綏明能基之聖鍾期延州知音之聖韓娥秦青謳謔之聖龔叔文擊智調之聖離朱師曠視聽之聖張芝鍾繇草書之聖今之明者理天下之聖也萬物作而不辭

疏擊壤鼓腹者莊子馬蹄篇文也

功成不居

疏日慎一日尚書文也夫功者王功曰勳輔成王業若周公也國功曰功保全國家若伊尹也民功曰庸施法于民若后稷也

事功曰勞以勞定國若夏禹也理功曰績制法成理若咎繇也戰功曰多克敵出奇若韓信也今明功者玄功也其功深遠曰玄夫王者不妄於喜怒則刑賞不濫金革不起矣不妄於求取則賦欲不厚供億不繁矣不妄愛惡則用捨必當賢不肖別矣

不妄於近侍則左右前後皆正人矣不妄於土地則兵革不出士卒不勞矣不妄於萬姓則天下安矣稠直如髮者詩小雅都人士篇之文也言情性憲殿操行正直如髮之本末無降殺也

不尚賢章第三

不尚賢使民不爭

疏雲從龍風從虎者易乾卦孔子解九五之辭飛龍在天能感應衆物故叙水流濕

火就燥雲從龍風從虎各隨其類自相應感而況帝王升九五之位萬國來庭聖人作而萬物親本乎天者親上本乎地者親下此言水是陰若流於地必就於濕處火是陽若焚於薪必就於燥處言此二物無識無情為氣相感尚猶如此又龍是水畜雲是水氣龍吟則景雲起虎是威猛之獸風是振動之物虎嘯則谷風生此二物有識有情未若聖人降世飛龍在天聖賢相須萬物交感故廣陳其事爾唐虞在位不之元凱之臣伊呂升朝自得台衡之望唐者唐堯也號陶唐氏姓伊祈名放勳幼有聖德都於冀年八十六知子丹朱不肖明揚側陋廣求有德遂舉舜而歷試之聘以二女用觀其德二年禪舜舜即位二十八年而堯崩壽一百一十七歲葬濟陰成陽里中謚法翊善傳聖曰堯舜有虞氏歷試二年即帝位二十八年而堯崩舜年三十而徵用攝位二十八年服喪三年為天子五十年巡狩南方死於蒼梧之野壽一百

一十二歲以其子商均不肖命禹嗣位葬於九疑之零陵道學云堯為太微真君舜為太極真君元凱者有八元八凱昔高辛氏有才子八人伯翳仲堪叔獻季仲伯虎仲熊叔豹季狸忠肅恭懿宣慈惠和天下之人謂之八元肅敬也懿美宣通也元善也高陽氏有才子八人蒼舒隕鼓摯戲大臨龍降庭堅仲容叔達齊聖廣淵明允篤誠天下之人謂之八凱齊中也淵深也允信篤厚也慎和也此十六族世濟其美不隕其名堯不信用舉舜為堯臣舉八元使布五教于四方五教者父教母慈兄友弟恭子孝內平外成高辛帝之後八元之苗裔也乃稷契朱虎熊羆之倫也舉八凱使主后土乃揆百事莫不時叙地平天成高陽顓頊之號八凱其苗裔也及僂為咎繇益之倫也咎繇字庭堅是矣高作司徒五教在寬高在八元中也禹作司空平水土后土地官禹在八凱中矣內平者內諸夏也外成者外戎狄也舜舉十六族而天下

理外內和平伊呂者伊即伊尹生於伊水之上空桑之中佐殷為相以輔太甲謂之阿衡其先伊摯佐湯立社稷致太平伊尹之子伊陟佐太甲之孫太戊三臣之勳著於殷朝也呂者太公望也姓姜字子牙釣於磻磯獲大魚剖之得玉璜中有兵鈴子牙習之年逾八十周文王卜畋渭濱其絲曰非熊非羆唯王者師遂畋獲子牙載之以歸位周有功初封於呂或封於甫及剋殷之後乃封國於齊召康公命太公曰五侯九霸汝實征之以夾輔周室賜太公之履東至于海西至于河南至于穆陵北至于無棣後桓公小白為諸侯盟主至春秋之末其臣田和遷齊康公于海上乃奪其國焉台衡之望者天子置三公之官以相三台三台六官者太尉司徒司空太師太傅太保也三台六星上中下台各二星在紫微星之南以拱衛帝座起文昌抵太微天階主三公九卿士庶九州色明而行列相類則君臣和法令平從上台至中台十

六度中台至下台十六度二星間相去半
度折則為著秩則為迫又上星主天子中
星主伯子男秩人下星主卿大夫小句而
明白吉搖動變色齒一星去天下危二星
去天下亂三星去天下不可理矣太師者

師範一人儀刑萬國太傅者教以德義太
保保衛其身太尉掌武統兵司徒教教五
教司空主平水土謂斯三公上應三台也
阿衡者阿倚也衡平也天子倚三公以平
正天下

不責難得之貨

疏不仁之人決性命之情而聚貴富者此
莊子駢拇第八篇之文也
不見可欲使心不亂

義云小隱於山大隱於鄜未能絕欲恐境
所牽仍栖遁山林以避所見及其澄心息
慮想念正真外無撓惑之緣內保恬和之
志雖營營朝市名利不關其心碌碌世途
是非不介其意混跡城市修損於修真乎
虛其心

疏虛室生白者莊子人間世篇之文
實其腹

注屬厭而止者春秋傳自沒沒實諫魏武
子之詞也春秋者魯史記之名也記事者
以事繫日以日繫月以月繫時以時繫年

年有四時故錯舉以為名也天子有史官
諸侯有國史楚謂之檮杌晉謂之乘魯謂
之春秋孔子述經左丘明為傳起周平王
四十八年魯隱公元年太歲丁巳歲星在
降婁當晉鄂侯二年衛桓公完十三年蔡

宣公考父二十八年鄭莊公寤生二十二
年曹桓公終生三十五年齊僖公祿父九
年楚武王達十九年秦文公四十四年宋
穆公和七年陳桓公鮑二十三年燕穆公
十八年乃春秋之始年至魯哀公十四年
周敬王三十九年太歲戊午凡二百四十
二年歷周一十四王魯一十二公行事當
晉定公十年三十一一年衛出公輒十二年蔡
成公怡十年鄭聲公勝二十年齊簡公嘉
四年楚惠王章八年秦悼公十一年宋景

公頭曼三十六年陳閔公越二十一年燕
敬公六年吳夫差十五年乃春秋獲麟絕
筆之年也其書凡三十卷三十五萬二千
二十五言十九萬四千五百九十字本十
五萬七千九百六十六字解晉征南將軍

杜預字元凱注自沒沒寬者春秋昭公二
十八年晉魏獻子舒為政以其子戌為梗
陽大夫令晉陽也冬梗陽有獄戌不能斷
以其獄上於獻子獻子之大宗以女樂為
賂魏子將受之戌謂魏子二大夫閔沒汝

寬曰主以不賄聞于諸侯若受梗陽之賄
貪莫甚焉吾子必諫皆許諾退朝待于庭
饋入魏子名二大夫食比置三款既食使
坐魏子曰吾聞諸伯叔誘曰惟食忘憂吾
子置食之間三款何也同辭而對曰他人
賜二小人酒不夕食饋之始至恐其不足
是以一款中置自答曰豈將軍食之而以
不足是以再款及饋之畢願以小人之腹
為君子之心屬厭而止是以三款魏子辭
梗陽之賄獻諡也武子則名穎諡曰武

為無為則無不治矣

疏無聲而無臭人固不識而不知無聲無臭者詩大雅文王篇也言天道難知耳不聞聲音鼻不聞臭芬儀法文王之事則天下自信而順也不識不知者詩大雅皇矣篇言人不識古不知今順天之法而行之義云無為之理其大矣哉無為者非謂引而不來推而不去迫而不應感而不動堅滯而不流捲握而不散也謂其私志不入公道嗜欲不枉正術循理而舉事因資而立功事成而身不伐功立而名不有若夫水用船而砂用舂音音泥用藥音音山用樵音音夏澆冬陂因高而田因下而池故非吾所謂為也乃無為矣聖人之無為也因循任下責成不勞誅無失策舉無遺事言為文章行為表則進退應時動靜循理美醜不好憎賞罰不喜怒名各自命類各自用事由自然莫出於已順天之時順地之性因人之心是則羣臣輻輳賢與不肖各盡其用君得所以制臣臣得所以事君此

理國無為之道也

道冲章第四

象帝之先

疏帝出乎震易繫辭之詞也震東方卦也少陽之氣生化之源今以太子居東官少陽之位御極為出震之期蓋取象天地生育萬物之始也兆見曰象無形曰氣生物之首也大道復在象帝之先言其高遠也

天地章第五

以萬物為芻狗

疏結草為狗以用祭祀也者莊子天運篇具載注云弊蓋之思者禮記檀弓篇云仲尼之畜狗死使子貢埋之曰吾聞弊帷不棄為埋狗也君之路馬死埋之以帷弊蓋不棄為埋狗也丘也貧無蓋於其封也亦與之席無使其首陷焉恐其首直委於土也

天長地久章第七

聖人後身外身

義云碎琥珀之枕焚雉頭之裘罷一臺之

費却千里之馬德垂當代名光竹帛

上善若水章第八

政善治

疏正容悟物者莊子田子方第二十一篇文也子方名無擇侍座于魏文侯文侯師子夏友於子方子方數稱谿工之道文侯以為谿工子方之師也子方曰非也里之人也稱道數當故無擇稱之無擇之師東郭順子其為人也人貌而天虛緣而葆真清而容物物無道正容以悟之使人之意也銷無擇何足以稱之

夫唯不爭故無尤

義云不爭之德德之先也凡人之性不能無爭為爭之者其事衆矣亂逆必爭暴慢必爭忿怒必爭者泰必爭矜伐必爭勝尚必爭違慢必爭進取必爭勇怯必爭愛惡必爭專恣必爭寵嬖必爭王者有一于此則興師海內諸侯有一于此則兵交其國卿大夫有一于此則賊亂其家士庶人有一于此則害成於身皆起於無思慮愆禮

法不畏懼不容忍爭乃與烏故爭城者殺人盈城爭地者殺人滿野必當察起爭之本塞為爭之源無不理矣

持而盈之章第九

金玉滿堂莫之能守

疏假使貪求不已通令金玉滿堂象有齒而焚身難畏犧而斷尾且夫不貪之寶坐貽致寇之憂以其寶實豈云能守象有齒而焚身者春秋襄公二十四年晉范宣子為政諸侯之弊重鄭人病之二月鄭伯如晉子產寓書于子西以告宣子曰子為晉國四鄰諸侯不聞令德而聞重弊僑也或之僑聞君子長國家者非無賄之患而無令名之難夫諸侯之賄聚於公室則諸侯或若吾子類之則晉國或注或離也諸侯或則晉國壞晉國或則子之家壞何汲汲也將焉用賄夫令名德之與也德國家之基也有基無壞無亦是務乎有德則樂樂則能久詩云樂止君子邦家之基有令德也夫起思以明德令名戴而行之是以遠

至運安無寧使人謂子子實生我而謂子浚我以生乎注浚取也言取我財以自生象有齒以焚其身賄也宣子悅乃輕弊是行也鄭伯朝晉為重弊故也難斷尾者春秋周景王子子朝之傅賓孟適郊見雄雞自斷其尾歎曰犧牲之用存乎全而肥實今自斷其尾使已不全異免為犧牲之用難之保其身也如此况於人乎貪利忘其身智不及難矣不貪寶者鄭人有得玉獻於子罕曰此寶也將以獻之子罕曰汝以玉為寶我以不貪為寶我若取玉俱喪寶矣不若兩全之遂不受玉致寇者易解卦九三辭曰負且乘致寇至負乃小人之事乘為君子之器乘小任大物所不與致寇盜奪之矣

功成名遂

義曰禦災除患曰功富貴尊榮曰名高鳥畫而良弓藏校免死而獵犬烹勢使然也范蠡扁舟而脫禍文種固位而喪身此之謂矣日中則昃月滿則虧子房絕粒以優

游跡廣解印而高尚固無上蔡華亭之逸痛矣

載管輅章第十

載管輅

疏故春秋子產曰人生始化曰魄者春秋昭公七年初鄭伯有為政駟帶殺之鄭人相驚曰伯有至矣或夢伯有介曰壬子余將殺帶明年殺段於是壬子駟帶卒明年公孫段卒鄭人益懼或問子產曰伯有猶能為鬼乎子產曰人生陰曰魄陽曰魂用物精多則魂魄強匹夫匹婦強死而魂魄猶能依憑於人以為淫厲况伯有三世執其政柄而強為鬼神不亦宜乎伯有乃穆公之曾子良之孫子耳之子故曰三世子產立其子良止以撫之乃止近死之心莫使復陽者莊子齊物篇之辭也三魂名胎光爽靈幽精七魄尸狗伏矢雀陰吞賊除穢臭肺蜚毒此出上清品

愛民治國

義曰生民者國之本也無為者道之化也

以無為之化愛育於人國本固矣政虐而苛則為暴夫賦重役繁則傷性也使之不以時則妨農也不務儉約則殘穀矣

天門開闔

義曰修愛民理國之事為垂衣南面之君猶須恭已奉天以順曆數者謂受命之曆五運之數也舜命為曰天之曆數在躬天祿永終謂曆數在躬以承天命故可大寶愛之謂之寶命自天而授謂之受命於天易繫曰聖人之大寶曰位是也天門開則降非常之瑞或黃星動彩亦伏表符紫氣充庭五星聚井流虹貫月火電繞樞然後維嶽降神誕生宰輔以佐佑之故應天順人極物除害而承曆數以有天下也及乎臨御失所刑政乖宜衆叛親離兵交禍起逆亂生於下氣象見於上日實天開山崩川竭災凶蜂起而國亡矣是天開闔也一開一闔謂之變者易繫辭云謂開闔相循陰陽遞至倚伏之義也

三十輻章第十一

十九

疏乾坤是大易之韞者

義云易繫辭也明易之所立本乎乾坤乾坤不存則易道無由起也

三十輻共一轂

疏兼竅五作者莊子第二篇也

埏埴以為器

疏陶匠者尚書云範土曰陶舜側微之時耕於歷山陶于河濱是也

鑿戶牖以為室

疏詩云陶復陶穴莊子曰室無空虛則婦

姑勃蹊陶復者詩文王之什絲絲篇云古

公亶父陶復陶穴未有家室古公者邠公也古言久也亶公字也文王祖處于邠也

婦姑爭者蹊路徑也勃戾怒也莊子外篇言室中不空蹊路湫隘則爭路而行失婦

之道也

故有之以為利無之以為用

疏形而上形而下義形而上者道之本清

虛無為處乎上也形而下者道之用稟質流形處乎下也顯道之用以形于物物稟

有質故謂之器器者有形之類也聖人法

道之用制以為器畫卦觀象以制文字刻

木為舟刻木為楫斷木為杵掘地為曰弦

木為弧刻木為矢制以宮室結為網罟服

牛乘馬負重致遠鑄金為兵揭竿為旗斷

木為耜耨木為耒一事以上以利天下此

皆分道之用以為器物爾皆易繫所稱此

乃道是無體之名形是有質之用凡萬物

從無而生象形而由道而立先道而後形

道在形之上形在道之下故自形而上謂

之道自形而下謂之器形雖處道器兩畔

之際形在器上不在道也既有形質可為

器用故云形而下者謂之器

五色章第十二

義曰五音者按漢劉向曰官者中也君之

德也商者章也物成章也角者甲也物發

生也徵者祉也物之盛大繁祉也羽者聚

也物聚而藏也

疏五色者按王叔師曰皎皎素絲得藍則青得丹則亦得藥則黃得皂則黑而為五色也五色之設本以彰五行之像別尊卑之飾五音之設本以通天地之氣彰五行之聲五味之設本以彰五行之和以養於人已上二事若人耽滯不曰聾盲口爽乎味之所爭有羊羹解龜之禍矣羊羹者春秋桓公二年鄭公子歸生受楚子之命伐宋宋華元樂莒帥師以禦之二月壬子戰于大棘將戰華元殺羊以食士其御羊斟不預及戰曰疇昔之羊子為政今日之事我為政與入鄭師故宋師大敗鄭人囚華元獲樂莒甲兵四百六十乘俘二百五十人馘百人宋以兵車百乘文馬百駟以贖華元于鄭半入華元逃歸立子門外告而後入見羊斟曰子之馬然也對曰非馬也其人也既答而叔杼_{字也}奔魯君子謂羊斟非人也以其私憾敗國殄民於是形執大焉小雅所謂人無良者其羊斟之謂乎殘民以逞夫解龜者宣公四年楚人獻龜

於鄭靈公_{子也}公子子公_{名子家}將入見子公食指動_{指也}以示子家曰他日我如此必嘗異味及入宰夫將解龜相視而笑公問之子家以告及食大夫龜召子公而弗與也子公怒添指於鼎膏之而出公怒欲殺子公與子家謀先為難子家曰畜老猶憚殺之而況君乎反謂子家子家懼而從之夏殺靈公書曰鄭公子歸生殺其君夷權不足也子家權不足以禦子公懼譖而從弒故書首為惡也君子曰仁而不武無能遠也初稱畜老仁也不討子公是不武也不能自適於仁道而陷弒君之名其實子公添指而成斯禍爾馳騁敗儼

注曰以心聞者莊子內篇第二之辭也

義曰禮天子諸侯每歲三畋一為乾豆祭祀宗廟也二為賓友交二國之好也三充君之庖食以時也時而不畋則曰不敬畋不以時則謂之暴所以春蒐夏苗秋獮冬狩皆侯農隙以講武事也獮未祭魚網罟

十一
二十二

不施于川豺未祭獸置罟不通於野鷹隼未擊尉羅不張於林修祭禽之禮展三驅之仁順天時也天子仲春教旅振遂以畋獵仲夏教蒐田遂以苗仲秋教理兵遂以獮仲冬教大閱遂以狩大司馬以掌其事山虞澤虞以供其職蓋以教武事以示民也則有不遵典故外則作禽荒暴物扼時十旬不返馳騁莫已遂為發狂人怨國危失禮致禍也難得之貨令

疏乖失天倪者莊子曰始卒若環莫得其端是謂天均天均者天倪也天倪者天然之分也故去彼取此

義曰夫人君之心睿聖為本理國之道清淨為基若其逐獸荒原奔車絕轍六龍逸足萬騎莫追與鵬鷄以爭先共熊羆而賈勇日月虧蔽旌旗糾紛畋獵忘歸殺獲無已風雨恒苦官室或空此謂之發狂也若復費遠方之物產貪無用之土疆嗜藹藹

十一
二十二

而討西戎伐大宛而取名馬關塞有不歸之魄邊城有怨曠之魂天下流亡戶口減耗赫赫宗廟幾陷寇雠青史具書百代為戒

寵辱章第十三

寵辱若驚

義曰且人君富有天下尊繼百王告類上玄君臨萬有亦當馭朽自戒納隍軫憂乃能享此大年保其遐作矣人臣之遭遇也九遷三接之澤既以厚矣兵符相印之任亦已重矣高冠大旆長轂朱輪氣壓伊臯權傾衛霍亦當夙興夜寐履薄臨深乃能克保福祥免貽覆餗矣故令尹三已而無愠考父三命而益恭達其理也大患若身

義曰恃寵僥盈者春秋隱公四年衛公子州吁恃寵而好兵其臣石碯諫衛莊公曰臣聞愛子教之義方不納于邪僥奢淫佚所自邪也四者之來寵祿過也夫寵而不憍憍而能降降而不憾憾而能恥者鮮

矣公不聽明年桓公立州吁弑桓公衛人殺州吁焉是則因寵獲禍矣

視之不見章第十四

此三者不可致詰故復混而為一

義曰夷希微三者假標以名道亦皆無也

三者疑化為三境次為三界下為三才明為三光於身為三元於內為三一皆大道分精運化之所成也三境者三寶君之祖氣所凝之色青黃白亦名玄元始三氣之作乃諸天之宗祖萬化之元本也三界者欲界六天以統九仙色界十八天以統九真無色界四天以統九聖也三元者人身之中腦為泥丸官以主上元心為絳官以主中元臍下為丹田以主下元三一者上元所主謂之元一中元所主謂之真一下元所主謂之正一三一元神主混氣固精寶神留形上清有徊風混合修三一之道

豫若冬涉川

義曰可以疑難古人如然今之代人逐境生迷萬緒雲蒸千途蜂起功名聲色爭先

銳進之心厚利豐財競起貪求之跡或烹燂取樂或傷殺恣情投身於愛慾之川隨流不返溺性於漂沉之浪有去無迴豈獨水痛於難抑且報應明驗何者溺利欲之人涉遠營求有水陸邀劫之報凌抑於人有忿爭刑網之報上調於君有誅殛喪家之報下虐於民有召寇起讎之報况於傷生害已破國亡家之甚乎孰能安以久動之徐生

義曰修煉門多汎舉大略有吐納元和咽漱雲液茹松食柏絕粒餌芝或隱朝上清密伺玄斗或五金八石或水玉流珠陰鼎陽爐五華九轉或素文丹籙徵召鬼神金鈕青絲質盟天地則有正一道德昇玄洞神靈寶盟真三清衆法並華凡登道證品昇真又有奔二景朝五辰據極攀魁驚網飛紀吞日月制魄拘魂八道望雲九真受事昇玄卧斗方諸洞房左右靈飛陰陽六甲三部八景二十四真存服三元注想三一紫房黃闕絳景朱嬰紫虛南嶽之篇

青童東海之訣內視五藏下制六天導引
吞符御風養氣騰舉之道溢於真經

唐玄宗御製道德真經疏卷之一

唐玄宗御製道德真經疏卷之二 十三

致虛極章第十六

致虛極守靜篤

疏曰水流濕火就燥者易乾卦九五爻辭也春秋致師之義也

義曰春秋宣公十二年楚莊王圍鄭旬有七日鄭人卜行成不吉國人大臨楚莊王退師鄭人修城復圍之三月克之鄭伯肉袒牽羊以逆楚王既而許之平潘尫又盟子良出質夏六月晉師救鄭及敖鄙之間楚莊乃求成於晉盟有日矣楚許伯御樂伯攝叔為右欲單但挑戰示不欲和以致晉師許伯曰吾聞致師者御靡旌麾壘而還樂伯曰致師者左射之策代御執轡御下兩馬掉鞅而還攝叔曰致師者右入壘折馘斬俘而還皆行其所聞而復晉人遂之樂伯左射馬右射人遂不能進時魏錡趙旂有憾於晉請使於楚皆欲晉敗秦子又不設備戰于邲晉師敗績焉以此致師師必致敵

吾以觀其復

疏易曰雷在地中復

義曰易復卦象曰雷在地中復者雷是動物復卦以動息為主故曰雷在地中先王以至日閉關商旅不行后不省方皆取動息之義以復其本也

不知常

注不恒其德者易恒卦九三辭也

大上章第十七

其畏之侮之

疏三王五霸

義曰三王者夏殷周也五霸者夏有昆吾黃帝之後也殷之霸者有大彭豳韋堯之後也周之霸者齊桓公僖公之庶子名小白周惠王襄王之時也晉文公者獻公之子名重耳以僖公二十二年立文公以僖四年避驪姬之禍

信不足有不信

義曰春秋宣十一年楚子伐鄭及櫟鄭大夫子良曰楚晉不務德與其來者可也魯